



**Islamische Gemeinschaft der Bosniaken in Deutschland e.V.**

**IGBD – Gemeinde Mannheim e.V.**

IGBD – Gemeinde Mannheim e.V., Neonstr.5, 68199 Mannheim

IGBD – Gemeinde Mannheim e.V.

Neonstr. 5

68199 Mannheim

Mail: info@dzemat-mannheim.de

**VR 1733**

Mannheim, den 16.05.2021



Na osnovu § 10.11 Statuta IZBNJ – Džemat Mannheim, a u skladu sa §§ 4-8 Statuta, Skupština džemata na svojoj Redovnoj sjednici održanoj dana 16.05.2021 godine donosi sljedeći

## **PRAVILNIK**

### **o članstvu i članarini u Džematu Mannheim**

#### **I OPŠTE ODREDBE**

##### **§ 1 Svrha donošenja Pravilnika**

- 1.1 Ovim Pravilnikom se uređuje članstvo u Džematu Mannheim (IGBD – Gemeinde Mannheim e.V, u daljem tekstu „Džemat“), evidencija članstva, članske karte, prava i obaveze članova Džemata, visina članarine, način prikupljanja članarine, utvrđivanje namjene i raspodjele prikupljenih sredstava od članarine, evidencija i kontrola prikupljenih i utrošenih sredstava i druga pitanja od značaja za prava i obaveze članova Džemata.

#### **II ČLANSTVO**

##### **§ 2 Vrste članstva**

- 2.1 Džemat čine redovni i počasni članovi.
- 2.2 Redovni član Džemata su privatna lica u građansko-pravnom smislu, koja su u članstvo stupila u skladu sa § 3 ovog Pravilnika.

- 2.3 Status počasnog člana može od strane skupštine džemata biti dodijeljen osobama ili pravnim licima koje imaju posebne zasluge za rad, djelovanje i razvoj džemata. Počasni članovi nemaju pravo glasa.
- 2.4 Članstvo u Džematu dokazuje se članskom kartom.

### **§ 3 Stupanje u članstvo**

- 3.1 Svi muslimani i muslimanke iz regije koja gravitira Džemat, punoljetna osoba u građansko-pravnom smislu, koja je spremna priznati statutarne svrhe i ciljeve Džemata i koja će ih dalje unapredjivati, može postati redovan član Džemata.
- 3.2 Učlanjenje redovnih članova se vrši na osnovu popunjenog zatjeva (Pristupnice), koji svojeručno potpisuje osoba koja želi pristupiti Džematu i koji se podnosi Džematskom odboru, koji o zahtjevu odlučuje.
- 3.3 Odluka Džematskog odbora se evidentira u zahtjevu i potpisuje od strane najmanje dva člana Odbora. Džematski odbor može odbiti zahtjev o pristupanju bez daljnjih obrazloženja.
- 3.4 Učlanjenjem se vrši i upis u centralnu evidenciju Članstva.
- 3.5 Redovni članovi su članovi Džematske Skupštine, sa svim pravima i obavezama koja iz toga proističu.
- 3.6 Redovni članovi ujedno su članovi saveznog krovnog udruženja (IGBD – IZBNJ), kao i Islamske zajednice u BiH.
- 3.7 Počasni članovi stupaju u članstvo na osnovu odluke organa Džemata.

### **§ 4 Prestanak članstva**

- 4.1 Članstvo u Džematu prestaje istupanjem, smrću i isključivanjem člana.
- 4.2 Odluka člana o istupanje iz članstva se pisanim putem dostavlja Džematskom odboru džemata. Odluka člana je pravosnažna najranije u roku od 4 sedmice, ali ne prije kraja mjeseca u kojem ističe taj rok.
- 4.3 Ukoliko član Džemata počini djela koja su principijelno u suprotnosti sa islamskim učenjem ili važećim zakonima, ili počini djela koja su u suprotnosti sa obavezama koje proizilaze iz njegovog članstva u Džematu, ili počini djela koja predstavljaju štetno djelovanje po Džemat, član može biti isključen iz džemata, odnosno moguća je primjena disciplinskih mjera.
- 4.4 Djela koja su principijelno u suprotnosti sa islamskim učenjem i važećim zakonima su nemoralna djela i djela koja predstavljaju krivična djela po njemačkom krivičnom zakonu.
- 4.5 U štetno djelovanje po udruženje spada slijedeće:
  - trajno ugrožavanje ugleda Džemata i kršenje statutarne odredbi,
  - djelovanje kojim se trajno urušava mir i zajedništvo u Džematu,
  - svijesno djelovanje koje krši važeće odluke organa Džemata ali i važećih normativnih akata Zajednice.

## **III ČLANSKA KARTA**

### **§ 5 Izdavanje članske karte**

- 5.1 Nakon upisa u evidenciju članstva, članu Džemata se izdaje elektronska članska karta.

- 5.2 Članska karta se izdaje u formi i sadržaju koje će posebnom odlukom utvrditi Džematski odbor u roku od 30 dana od dana usvajanja ovog Pravilnika.

## **§ 6 Podaci na članskoj karti**

- 6.1 Članska karta je jedinstvena za svakog člana Džemata.
- 6.2 Članska karta se izdaje svakom upisanom članu.
- 6.3 Članska karta se izdaje u elektronskom obliku.
- 6.4 Članska karta sadrži podatke koji se prikupljaju od članova Džemata u skladu sa Zakonom o zaštiti ličnih podataka SR Njemačke (DSGVO) i obavezno sadrži slijedeće podatke:
- podatke o izdavaocu (pun naziv Džemata),
  - podatke o članu (prezime/prezimana, ime/imena, ID-člna iz evidencije o članstvu)
  - serijski broj članske karte,
  - datum izdavanja,
  - rok važenja.

## **IV PRAVA I OBAVEZE ČLANOVA DŽEMATA**

### **§ 7 Osnovne obaveze i prava člana**

- 7.1 Osnovne obaveze člana su slijedeće:
- poznavanje i priznavanje statutarnih ciljeva i svrha
  - priznavanje islamskih principa, normi i islamske tradicije (Bošnjaka)
  - priznavanje slobodarsko-demokratskog poretka SR Njemačke
  - redovno davanje sredstava za sprovpđenje džematskih statutarnih ciljeva i svrha
  - čuvanje ugleda i jedinstva Islamske zajednice Bošnjaka u Njemačkoj.
- 7.2 Svaki član ima slijedeća osnovna prava:
- slobodno ispoljavanje pripadnosti islamu i ispunjavanje islamskih obaveza
  - obazovanje u islamskom učenju
  - korištenje džematskih ustanova za izvršavanje vjerskih obreda shodno važećim pravilima
  - prisustvo i uključivanje u džematske manifestacije
  - primjereno i blagovremeno informisanje u radu organa džemata i viših instanci Islamske zajednice Bošnjaka u Njemačkoj
  - obraćanje organima Islamske zajednice po pitanju očuvanja vjerskih prava
  - korištenje imovine islamske zajednice shodno važećim pravilima.
- 7.3 Pored osnovnih obaveza i prava, članovi Džemata imaju i druge obaveze i prava definisana ovim Pravilnikom, u zavisnosti od članskog statusa (redova, počasni ili član koji doprinosi promociji Džemata).

### **§ 8 Biračko pravo**

- 8.1 Redovni članovi Džemata koji uredno izvršavaju svoje obaveze iz ovog Statuta, naročito u pogledu plaćanja članarine, ostvaruju pasivno i aktivno biračko pravo.
- 8.2 Aktivno biračko pravo (pravo da biraju kandidate za organe Džemata i više organe IZBNJ) i pasivno biračko pravo (pravo biti biran u organe Džemata i više organe IZBNJ) redovni članovi Džemata (muškarci i žene) stiču sa navršениh 18 godina života, te izvršenjem

obaveza iz § 11 ovog Pravilnika i to kontinuirano najmanje 6 mjeseci prije održavanja izbora.

8.3 Prethodni stavovi ovog paragrafa ne primjenjuje se kod izbora u organe Mreže mladih Džemata.

### **§ 9 Ostala prava članova Džemata**

9.1 Pored gore navedenih prava, svi članovi Džemata koji izvršavaju svoje obaveze iz § 11 ovog Pravilnika i to kontinuirano najmanje godinu dana, imaju prava da:

- koriste sve usluge koje su definisane u opisu rada imama u džematu (na primjer: pravo na akiku novorodjenčetu, pravo na prisustvo imama prilikom sunneta, na uslugu imama prilikom porodičnih vjerskih prigoda kao što su mevludi, tewhidi, salla, šerijatska vjenčanja i dr.)
- koriste na usluge prilikom obavljanja dženaze (isključujući tehničke usluge kao što su prijevoz mejjta, ćefine i sl.),
- da jedini imaju pravo učešća na otvorene konkurse kod korištenja vakufske imovine po pravilima koje utvrđuje Vakufska direkcija,
- da pod jednakim uslovima imaju prioritet na konkursima unutar cijele IZ BiH za usluge koje se pružaju unutar cijele IZ BiH (izgradnja objekata, nabavka materijala i sl.). Članstvo u IZ BiH za konkurisanje po ovoj alineji za pravna lica računa se prema članstvu vlasnika odnosno pravnog lica.

### **§ 10 Ostale obaveza članova Džemata**

10.1 Imajući u vidu da su članstvo u Džematu podrazumjeva ujedno i članstvo u IZBNJ, ali i u IZ BiH, članovi Džemata imaju obavezu da doprinose uspješnoj organizaciji, radu i položaju u društvu Džemata, IZBNJ i IZ BiH, afirmiču svoju zajednicu u domovini, zemlji domaćinu i inostranstvu, te doprinose jačanju njenog materijalnog statusa.

### **§ 11 Obaveza plaćanja članarine**

11.1 Svi članovi Džemata dužni su plaćati mjesečnu članarinu, pod uslovima definisanim ovim Pravilnikom.

11.2 Ukoliko član Džemata kome je prestao članski status zbog neplaćanja članarine želi obnoviti članstvo u Džematu, prije te obnove dužan je platiti sjelokupan dospjeli dug po osnovu članarine.

## **V ČLANARINA**

### **§ 12 Kriterijumi za određivanje članarine**

12.1 Opšte odrednice za određivanje visine članarine su:

- ekonomsko stanje u društvu,
- status i imovinsko stanje članova Džemata,
- broj redovnih članova iz istog domaćinstva,
- članski status (redovni, počasni ili član koji promoviše aktivnosti Džemata).

### **§ 13 Visina članarine**

- 13.1 Osnovna mjesečne članarine određena je u iznosu od 20 EUR (dvadeset eura).
- 13.2 Osnovnu članarinu plaćaju svi zapošljeni članovi džemata (osim zapošljenin na Minijob), koji su ujedno i jedini član iz svoga domaćinstva.
- 13.3 Mjesečnu članarinu u visini drugačijoj od redovne plaćaju sledeći članovi:
- 15 EUR plaćaju zapošljeni članovi Džemata iz čijeg domaćinstva ima više od jednog člana Džemata,
  - 15 EUR plaćaju penzioneri, čija visine penzije prelazi 1.000 EUR mjesečno, kao i nezapošljeni koji primaju nadoknadu za nezapošljenost (Arbeitslosgeld) u iznosu većem od 1.000 EUR mjesečno,
  - 10 EUR plaćaju penzioneri i nezapošljeni članovi Džemata, čije visine mjesečnih primanja ne prelazi 1.000 EUR mjesečno,
  - 10 EUR plaćaju i članovi Džemata koji su djaci, studenti ili korisnici socijalne pomoći

### **§ 14 Visina članarine koja prelazi visinu osnovne članarine**

- 14.1 Članovi Džemata dobrovoljno mogu plaćati veći iznos članarine od iznosa članarine propisanog u § 13 ovog Pravilnika.
- 14.2 Članarinu veću od osnovne članarine može plažati svaki član Džemata koji to želi.

### **§ 15 Oslobadjanje od plaćanja članarine**

- 15.1 Članovi Džemata bez bilo kakvih primanja su oslobodjeni plaćanja članarine.
- 15.2 Članovi Džemata sa primanjima manjim od 400 EUR/mjesečno po članu domaćinstva mogu na zahtjev biti oslobodjeni od plaćanja članarine.
- 15.3 Počasni članovi su oslobodjeni od plaćanja članarine.

### **§ 16 Rok za plaćanje članarine**

- 16.1 Članarina se plaća mjesečno i to do 15. u mjesecu za prethodni mjesec, a može se plaćati i kvartalno, polugodišnje ili godišnje. Ukoliko se članarina plaća kvartalno, polugodišnje ili godišnje ista se plaća najkasnije do prve polovine perioda za koji se plaća.

### **§ 17 Način uplate članarine**

- 17.1 Članarina se uplaćuje putem blagajne Džemata, kod Imama Džemata, putem interneta ili izdavanjem trajnog ili pojedinačnog naloga za uplatu na bankovni račun Džemata.

### **§ 18 Način kosištenja sredstava od članarine**

- 18.1 Sredstva prikupljena od uplate članarine mogu se koristiti isključivo u svrhe ostvarivanja ciljeva definisanih Statutom Džemata.

### **§ 19 Izvještaj o prikupljanju i kosištenja sredstava od članarine**

- 19.1 Džematski odbor je dužn jednom godišnje podnijeti izvještaj Skupštini o prikupljenoj članarini i načinu utroška prikupljenih sredstava.

## **INFORMATIČKA PODRŠKA**

### **§ 20 Elektronska evidencija članstva**

- 20.1 U cilju praćenja i kontrole evidencije članova i naplaćene i utrošene članarine u Džematu se uspostavlja i vodi elektronska baza podataka koja sadrži sledeće:
- evidenciju članova,
  - uplaćene članarine,
  - raspodjelu članarine po njenoj namjeni
  - i evidenciji utroška sredstava iz prikupljene članarine.
- 20.2 O uspostavljanju baze podataka iz prethodnog stava, te načinu vođenja evidencija članstva i članarina Džematski odbor će donijeti Uputstvo u roku od tri mjeseca od dana usvajanja ovog Pravilnika.

## **VI PRELAZNE I ZAVRŠNE ODREDBE**

### **§ 21 Stupanje na snagu**

- 21.1 Ovaj Pravilnik stupa na snagu danom njegovog usvajanja.

### **§ 21 Implikacije na druga normativna akta**

- 22.1 Stupanjem na snagu ovog Pravilnik prestaju da važe prethodno vazeći Pravilnik koji je regulisao pitanja koja se tretiraju ovim Pravilnikom.
- 22.2 U slučaju da pojedina normativna akta Džemata (osim Statuta) pojedina pitanja iz ovog pravilnika definišu na drugačiji način, na ta pitanja će se primjenjivati odredbe ovog Pravilnika.

### **§ 21 Implikacije na druga normativna akta**

- 23.1 Nakon usvajanja ovog Pravilnika isti će biti evidentiran u Katalog normativnih akata Džemata koji se vodi u Sekreterijatu Džemata.

U Mannheim-u, dana 16.05.2021

Predsjedavajući Skupštine